

陆宣公翰苑集注释

一
函
十
册

唐陸宣公翰苑集卷第十

汪肇龍稚川

程瑤田易田

山右張佩芳蓀圃注釋新安

汪梧鳳在湘參訂

方矩晞原

涇陽柏森子餘校刊

制誥十

鐵券慰問敕書

賜李納王武俊等鐵券文

漢書高帝紀高祖與功臣剖符作誓丹書鐵券

維興元元年歲次甲子正月癸酉朔二日甲戌皇帝咨

爾某官某嗚呼王者所以撫人失於所撫則叛下者所以奉上失於所奉則刑各當其理德用不擾各違其分亂於是生朕德薄化淺昧於君道罔知省己姑務責人是以徵師徂征連歲靡息惟爾以誠志之不違反仄於厥衷阻眾興戎結黨拒命豈非上失於所撫而下失於所奉歟書曰萬方有罪罪在朕躬我實不德兆人何咎俾廢其生業離於室家陷於困窮死於戰陣老疾廢養孤惇靡依怨結蒼生感傷和氣朕爲人父母得不愧於心哉晨興以思夕惕以悼

前漢宣帝紀詔曰反側晨興念慮萬方易君子終日乾乾

夕惕若

白嗣位迄今六載天將悔禍朕方覺悟爾亦知眾
心之厭亂思所以保安叶於朕懷若應符契非天地合
德人神合謀將茂育羣生則何以臻此朕是用上順天
意俯從人心滌爾疵瑕復爾爵位坦然靡阻君臣如初
功載鼎彝張衡東京賦銘勳彝器歷世彌光注彝常也宗廟之器稱彝勒銘於宗廟之器於鐘鼎萬
祀彌益名藏王府子孫代代爲國勳臣河山帶礪傳祚
光明

無絕朕方布大信承天子人若食其言何以享國嗚呼
其祇若命用保無疆之休

賜安西管內黃姓纛官鐵券文

唐書地理志安西大都護府初治西

州顯慶二年平賀魯析其地置濛池崑陵二都
護府分種落列置州縣西盡波斯國皆隸安西
又徙治高昌故地三年徙治龜茲都督府而故
府復爲西州咸亨元年吐蕃陷都護府長壽二
年收復安西四鎮至德元載更名鎮西後復爲
安西吐蕃既侵河隴惟李元忠守北庭郭昕守
安西與沙陀回紇相依吐蕃攻之久不下建中
二年元忠昕遣使閒道入奏詔各以爲大都護
並爲節度貞元三年吐蕃攻沙陀回紇北庭安
西無援遂陷集韻阜纛軍中大旗也二儀實錄
纛阜綸爲之
似蚩尤之首

維貞元二年歲次丙寅八月丁巳朔三日己未皇帝若

曰咨爾四鎮節度管內黃姓纛官驃騎大將軍

唐書方鎮表開

元二十九年安西四鎮節度治安西都護府又百官志
從一品曰驃騎大將軍通典漢武帝元狩二年始用霍

去病為驃騎將軍定令令驃騎將軍秩祿與大將軍等
隋開皇中置驃騎將軍府每府置驃騎將軍騎將軍各
二人唐改為車騎驃騎其制如開皇後皆省
之顯慶元年乃復置驃騎大將軍為武散官行左金吾

衛大將軍員外置同正員

通典分注員外官其初但云員外至永徽六年以蔣孝璋

為尚樂奉御員外特置仍同正員自員外官復有同正
員者其加同正員者唯不給職田耳其祿俸賜會與正
官同單言員外者則兼試太常卿唐書百官志太常寺卿一人正三品初學

俸祿減正官之半

兼試太常卿

唐書百官志太常寺卿一人正三品初學

記案宋太常漢官也宋百官春秋云在昔唐虞伯夷作
秩宗典三禮周則春官宗伯掌禮樂並其任也初秦置
奉常漢祖更名太常又曰太常卿五代史百
官志云至梁加卿字曰太常卿其後因之頓啜護波支

惟爾乃祖乃父代服聲教

書聲教訖于四海

勤勞王家勲書于

鼎彝族列于藩籍爾克紹先祖之烈而重之以忠貞嗣

守職官祇若朝化率其種落晉書四夷傳論廣保我邊

陞丹誠向化萬里如近是用稽諸令典錫以券書漢制考傳

別質劑今之券書也若金之堅永代無變子孫繼襲作我藩臣爾

其欽承勿替休命

慰問四鎮北庭將吏勅書通鑑音注舊書自焉耆西北七日行至其南庭

又正北八日行至其北庭

四鎮北庭將士官吏僧道耆壽百姓自祿山首亂中夏

不安班固東都賦目中夏而布德瞰四夷而抗稜蕃戎乘釁侵敗封略左傳封略

之內何非君土食道路梗絕往來不通哀我士庶忽如土之毛誰非王臣

異域控告無所歸還莫從

唐書回鶻傳初安西北庭自天寶末失關隴朝貢道隔伊

西北庭節度使李元忠四鎮節度畱後郭昕數遣使奉表皆不至貞元二年元忠等所遣假道回鶻乃得至長

安

朕未嘗一夕忘懷而事勢不及相卹興言軫念忽以

流涕卿等咸蘊忠誠誓死不屈或早從征鎮白首軍中

或生在戎行長身塞外克奉正朔堅保封疆援絕勢孤

以寡敵眾晝夜勞苦不得休息歲時捍禦不解甲冑勦

高百戰義叶一心介然孤城獨守臣節日來月往三十

餘年奉國之誠久而彌勵求諸今古忠烈莫儔義激人

倫名光史冊

說文冊符命也象其札一長一短中有二編之形又古文作簡蠢動知感

況於朕懷朕嗣守洪業君臨宇內思安兆庶以絕戰爭

遂與贊普約定好和

唐書吐蕃傳其俗謂疆雄曰贊

集

蕃漢士庶告天地神祇設壇會盟永息邊患

冊府元龜德宗建中

四年正月詔隴右節度使張鎰與吐蕃相尙結贊等盟於清水將盟鎰與結贊約各以二千人赴壇所執兵者半之列於壇外二百步散從者半之分立壇下鎰與賓佐齊抗及會盟官崔漢衡樊澤嘗魯干頤等十人皆朝服結贊與其本國將相論悉煩藏論藏熱乞利陀斯官者論乞力徐等七人俱升壇爲盟初約漢以牛蕃以馬爲牲鎰恥與之盟將殺其禮乃請結贊曰漢非牛不田蕃非馬不行今請以羊豕犬三物代之結贊許諾時塞外無豕結贊請出羝鎰出犬白羊乃於壇北刑之雜血二器而飲盟文曰唐有天下恢奄禹跡舟車所至莫不率俾以累聖重光卜年惟永彰王者之不業被四海以聲教與吐蕃贊普代爲婚姻固結鄰好安危同體甥舅

之國將二百年其閒或因小忿棄惠爲讎封疆騷然靡
有寧歲皇帝踐祚愍茲黎庶俾釋俘囚以歸蕃落蕃國
展禮同茲叶和行人往復累布成命是必詐謀不起兵
革不用矣彼猶以兩國之要求之永久古有結盟今請
用之國家務息邊人外其故地棄利蹈義堅盟從約今
國家所守界涇州西至彈箏峽西口隴州西至清水縣
鳳州西至同谷縣劍南西川大渡水東爲漢界蕃國守
鎮在蘭渭原會西至臨洮又東至成州抵劍南西界磨
些諸蠻大渡水西南爲蕃界其兵馬鎮守之處州縣見
有居人彼此兩邊見屬漢諸蠻以今所分見住處依前
爲定其黃河以北從故新泉軍直北至大磧直南至賀
蘭山駱駝嶺爲界中閒悉爲閒田盟文有所不載者蕃
有兵馬處蕃守漢有兵馬處漢守並依見守不得侵越
其先未有兵馬處不得新置并築城堡耕種今二國將
相受辭而會齋戒將事告天地山川之神惟神照臨無
得愆墜其盟文藏於宗廟副在有司二國之成其永保
之結贊亦出盟文不加於坎但埋牲而已盟畢結贊請
鎡就壇之西南隅佛幄中焚香爲誓誓畢復升壇飲酒

獻酬之禮各用其物以將厚意而歸四
月加答蕃使崔漢衡簡較工部尚書

疆場罷警於今

六年近以賊臣朱泚背恩驚犯宮闕贊普又遣師旅助

討姦凶兩國交懽事同一體北庭去此遙遠信使難通

於西蕃旣非便宜在國家又絕來往永念士庶隔在殊

方歸路無因親戚永訣爲人父母實所感傷已共西蕃

定議兼立誓約應在彼將士官吏僧道耆壽百姓等並

放歸漢界仍累路置頓供擬發遣待卿等進發然後以

土地隸屬西蕃今故遣太常少卿兼御史大夫沈房及

中使韓朝彩等往彼宣諭

唐書吐蕃傳朱泚之亂吐蕃請助討賊詔右散騎常侍于

顧持節慰撫太常少卿沈房仍便與西蕃交割卿等宜
爲安西北庭宣慰使以報之遞相慰勉叶力同心互相提攜速圖進路復歸鄉井重
見宗親生人之情莫重於此一勞永逸固不合辭卿等
誠節昭宣勳閥茂著到此之後當特甄升仍給田園以
贍生業必令優厚用答忠勞如有資產已成不願歸此亦
任便住各遂所安宜勉良圖副我勤想夏熱卿等各平
安好遣書指不多及

與回紇可汗書

唐書回鶻傳回紇其先匈奴也俗多乘高輪車元魏時亦號高車部

或曰敕勒訛爲鐵勒又回紇姓藥羅葛氏居薛延陀娑陵水上距京師七千里通鑑綱目回紇

合骨咄祿可汗屢求和親上未之許會邊將告
 乏馬李泌言於上曰臣有愚策可使馬賤十倍
 上問之對曰願陛下推至公之心屈己徇人爲
 社稷計臣乃敢言上曰何故泌曰臣願陛下北
 和回紇南通雲南西結大食天竺如此則吐蕃
 自困馬亦易致矣上曰三國當如卿言至於回
 紇則不可泌曰陛下所以不可豈非以陝州之
 恥耶上曰然韋少華等以朕之故受辱而死朕
 豈能忘之泌曰害少華等乃牟羽可汗後復入
 寇爲今可汗所殺然則今可汗乃有功于陛下
 又何怨耶是後凡十五對反復論之上終不許
 曰朕不憚屈己但不能負少華輩耳泌曰以臣
 觀之少華輩負陛下非陛下負之也上曰何故
 對曰昔葉護將兵助國肅宗止令臣宴勞之亦
 不許至其營及大軍將發先帝始與相見蓋戎
 狄豺狼不得不過爲之防耳陛下在陝富於春
 秋少華輩不能深慮以萬乘元子徑造其營又
 不先與之議相見之儀使彼得肆其桀驁豈非

少華輩負陛下邪且香積之捷葉護欲掠長安
先帝親拜於馬前以止之當時觀者十萬餘人
皆嘆息曰廣平王真華夷主也然則先帝所屈
者少所伸者多矣況牟羽身為可汗舉國赴難
當是之時臣不敢言他若畱陛下於營中歡飲
十日天下豈得不寒心哉以此二事觀之則屈
己為是乎不屈己為是乎上曰朕與之為怨已
久今往與之和得無復拒我為夷狄之笑乎對
曰臣請以書與之約為臣子每來不過二百人
市馬不過千匹無得攜中國人及商胡出塞五
者皆能如約則主上必許和親如此威加北荒
旁讐吐蕃足以快陛下平昔之心矣上從之

皇帝敬問可汗弟

通鑑音注可汗北方之尊稱猶漢時單于也宋白曰虜俗呼天為可汗

可讀如渴

兩國和好積有歲年申之以昏姻

通鑑綱目

汗何干翻冊命回紇可汗曰英武威遠毘伽闕可汗以上幼女寧
國公主妻之以漢中王瑀為冊禮使右司郎中李巽副

之上送至咸陽公主辭訣曰國約之以兄弟

通鑑綱目至德二年

家事重死且無恨上流涕而還

回紇懷仁可汗遣其子葉護等將精兵四千餘人來至

鳳翔廣平王俶將朔方等軍及回紇西域之眾十五萬

發鳳翔俶見葉護約為兄誠信至重情義至深頃因賊

弟葉護大喜謂俶為兄

臣背恩

謹按謂僕固懷恩

構成險釁天不長惡尋已誅夷

唐書僕固

懷恩傳懷恩至鳴沙病甚還

使我兄弟恩好如舊

唐書回鶻

死靈武部曲焚其尸以葬

傳永泰初懷恩反誘回紇吐蕃入寇俄而懷恩死二虜

爭長回紇首領潛詣涇陽見郭子儀請改事子儀率麾

下叩回紇營回紇曰願見令公子儀出旗門回紇曰請

釋甲子儀示服酋長相顧曰真是公矣時李光進路嗣

恭介馬在側子儀示酋長曰此渭北節度使某朔方軍

糧使某酋長下馬拜子儀亦下見之虜數百環視子儀

麾下亦至子儀麾左右使卻且命酒與飲遺以纏頭綵

三千召可汗弟合胡祿等持手因讓曰上念回紇功報

爾固厚何負而來今卽與汝戰何遽降也我將獨入爾營雖殺我吾將士能擊汝酋長讐服曰懷恩詭我曰唐天子南走公見廢是以來今天可汗在公無恙吾等願還擊吐蕃以報厚恩然懷恩子可敦弟也願赦死於是子儀持酒胡祿請盟而飲子儀曰唐天子萬歲回紇可汗亦萬歲二國將相如之有如負約身死行陣家屬戮方時虜宰相磨咄莫賀于頓等聞言皆奪氣酒至其所輒曰無易公誓周皓及踏本啜黑

達干等至得弟來書省覽久之良以爲慰弟天資雄傑智識通明親仁善鄰敦信明義罷戰爭之患宏禮讓之風保合太和用寧區宇惟茲盛美何以加焉朕之素懷與弟叶契爲君之道本務愛人同日月之照臨體天地之覆育其於廣被彼此何殊况累代以來繼敦姻戚

府用

元龜肅宗至德元年迴紇首領至請和親兼封安祿山
九月封故邪王弟五男承案爲燉煌王使迴紇仍令僕
固懷恩送至迴紇部落請和親封迴紇女爲毗伽公主
十月迴紇首領來朝請和親詔燉煌王承案赴迴紇結
親二年九月迴紇大首領入朝燉煌王承案加開封府
儀同三司拜宗正卿納迴紇公主爲妃乾元元年六月
迴紇使達亥阿波刺史入朝迎公主詔授開府儀同三
司七月丁亥詔以幼女封爲寧國公主令堂弟銀青光
祿大夫殿中監漢中郡王瑀充冊命英武威遠毗伽可
汗使以堂姪正議大夫行右司郎中上柱國上邽縣公
賜紫金魚袋巽爲副特差重臣開府儀同三司尚書左
僕射冀國公裴冕送至界首戊子右司郎中興改尚書
兵部郎中兼御史中丞鴻臚少卿兼充寧國公主禮會
使癸巳以冊立迴紇英武威遠毗伽可汗帝御宣政殿
漢中王瑀受命甲子帝送寧國公主咸陽磁門驛十一
月甲子迴紇使三婦人謝寧國公主之嫂也三年正月
迴紇可汗使大臣俱六莫賀達于等入朝奉表起居公
主代宗大厯四年五月冊僕固懷恩小女爲崇徽公主